

XXII.

Le Prince d'Orange à J. de Wesenbeke. Entreprises projetées sur les villes de Zutphen, Campen, Deventer et Zicolle. — Brit. Mus. Cotton Mss. Galba C. IV, (63)64. Publ. par Kervyn de Lettenhove, l. c. p. 76.*

1570, le 30^e Aoust.

Wesenbeke,

Estant venu icy devers moy le Sieur Snoey avecq le Bourgmaistre de Gorcom ont amené certain personnaige avecq eulx, m'ayant donné à cognoistre quasi le mesme de ce que vous m'avez déclaré. Et pour aultant que par ce ilz en sçavoyent à parler, je leur ay en effect dict toutes les mesmes choses que vous avez en charge par quoy vous en pourrez communiquer avecq eulx, et leur déclarer librement, et franchement votre instruction leur dénommant aussi ceulx que vous sçavez qui s'y employent. Affin que de commune main l'on puisse ainsi besoingner, pour tant mieulx et plustost venir à quelque bonne fin, sans nulle confusion, leur ayant enoultre enchargé de se gouverner tousjours selon la dite instruction que vous avez de moy, à laquelle je m'ay remis, et qu'ilz ne besoingnent rien sans vous aussi que vous y besoingnez avec leur sceu. Aultrepart quant à ceulx qui vous ont donné à cognoistre de Zutphen, Campen, Deventer, et Zwolle, je désire bien que vous enquestez le plus particulièrement que vous pourrez de leur intention, et du moyen qu'ilz ont à cela, pour selon ce soy régler, et procéder tant plus seurement.

7^e Et quant à Groeningen ne seroit que bon que vous fissiez venir devers vous le Bourgmaistre dudit lieu qui se tient à Emden pour sçavoir de luy quel moyen qu'il y auroit pour entreprendre quelque chose sur icelle place. Et m'advertissez au surplus bien souvent de votre besoing. Sur quoy je prie Dieu vous avoir en sa sainte

— 75 —

garde. Escript à Dillenberch ce pénultiesme jour d'Aoust
1570.

Vostre bon amy
GUILLAUME DE NASSAU.

